

JEMS

¹ E Jems. E Tamo Koba Yesus Kristus aqa Abu Qotei wo nanngo wau tamo. Israel nanngo moma utru 12 nanngo len agi ningi. O was ningi kalil kaiye. E na anjam endi nenngrenyosim nunngoq qarinyonum. Ningi nunngo segi segi qure utru uratosib jaraiyosib sawa sawa kalil keretosib di unub.

Iga gulbe qoboieqnum dena iga singila eqnum

² O ijo was, gulbe utru segi segi gargekoba nunngoq boqnimqa ningi gulbe deqa tulan arebole-boleingim soqniy. ³ Gulbe deqaji nunngoq boqnimqa ningi nunngo areqalo Yesus qa bole singilatqab kiyo sai kiyo di Qotei a geregere unqas. Ningi qalie, gulbe dena ningi singilatngeqnaqa ningi gulbe qoboieqnum. ⁴ Deqa ningi bati gaigai singila na tigeloqnsib gulbe qoboioqniy. Ningi degyqab di ningi Qotei aqa kumbra bei qa truquoqnasai. Ningi tulan kere na sqab.

Tamo bei a powo qa truquosimqa a Qotei pailym Qotei na powo yqas

⁵ Ariya tamo bei a powo qa truquosimqa a Qotei pailym. Yimqa Qotei na a powo yqas. Ningi qalie, Qotei a tamo unqasari kalil nanngi ingi bole bole enjreqnu. Nanngi Qotei pailyeqnaq a nanngi qa olo niriṅosaieqnu. ⁶ Ariya tamo bei a Qotei pailyqa osimqa a are gulbeiyaiq. Osim endegsi maraiq, “Qotei na ingi bole ebqas kiyo sai kiyo?” A degsi maraiq. A Qotei qa aqa areqalo singilatosim pailym. Jagwa tigelosiq yuwal korkortoqnsiqa

oqe aiyeqnu dego kere tamo are gulbeiyeqnu qaji a bati bei Qotei qa aqa areqalo singilatoqnsiqa olo bati bei aqa areqalo singilatosaieqnu. ⁷ Tamo Koba a na tamo deqaji nanği inği bei enjrqsai. Deqa tamo deqaji nanği endegsib are qalaib, “Iga inği bole bole oqnqom.” Di sai. ⁸ Nanği areqalo aiye aiyeltoqnsib kumbra laņa laņa yeqnub deqa Qotei na nanği inği bei enjrqsai.

Jems a ñoro tamo ti tamo inği saiqoji nanği ti anjam minjrej

⁹ Kristen was bei a ñam saiqoji soqnmqa a areboleboleyem. Di kiyaga? A Qotei aqa ñamgalaq di ñam koba ti unu deqa. ¹⁰ Tamo bei ñoro koba ti unu qaji a dego areboleboleyem. Di kiyaga? A Qotei aqa ñamgalaq di ñam saiqoji unu deqa. Tamo nanği ñoro koba koroiyqajqa arearetnjreqnu qaji nanği balamtamo aqa so bulosib sokiñalayosib morenqab. ¹¹ Iga qalie, seņ oqsim kanķanķamqa balamtamo aqa so laosim moiym aqa wala bole di koboqas. Dego kere tamo nanği ñoro koba ti unub qaji nanği wau bei bei yoqnsib bati qujai qa urur morenosib koboqab.

Qotei na iga are qametgosaieqnu

¹² Tamo unğasari gulbe qobooyoqnsib singila na tigelejunub qaji nanği areboleboleinjreme. Mondonj Qotei a nanği qa tulaņ arearetim awai boledamu enjrim nanği ñambile gaigai sqab. Qotei a marej, “E na tamo kalil e qalaqalaibeqnub qaji nanği awai bole enjrqai.” Qotei a degsi marej. ¹³ Deqa tamo bei a une atqajqa are prugyimqa a endegsi maraiq, “Qotei na are qametbqoqa e une atqajqa are prugbeqnu.” A degsi maraiq.

Iga na Qotei aqa are qametim a une yqa keresai dego kere Qotei na iga une atqajqa are qametgo-saieqnu. ¹⁴ Gago segi segi are miligi tigelogsisa iga titgeqnu. Gam dena gago segi areqalo uge na iga uneq breigwa oqnsisa walawalaigoqnsisa gisanqeenu. ¹⁵ Gago are miligi tigeleqnu di unja a gumaneqnu dego kere. Bunuqna unja a angroteqnu dego kere gago are miligi tigelogsisa une babteqnu. Yeqnaqa gago une di tulan kobaeqnaqa iga moiyo gam tureqnum.

¹⁶ O ijo was bole, une aqa kumbra dena ningi gisanqaim deqa ningi une kalil uratiy. ¹⁷ Ingi bole bole kalil Qotei na iga egeqnu qaji di lan goge na branteqnaq iga lana eleneqnum. Abu Qotei suwanqoq di unu qaji a na ingi di qarinyeqnaqa gagoq beqnu. Qotei a kumbra bubulyosaieqnu. A sen qunun bul sai. Sen qunun a olekobaoqnsisa olo trueqnu Qotei a degyosaieqnu. ¹⁸ A aqa segi areqalo dauryosiq iga gereigej deqa a gago Abu. A aqa anjam bole na iga gereigej deqa iga ingi meli bunuj bulosim ingi ingi kalil a nami gereinjrej qaji di tulan bunjrejunum.

Iga Qotei aqa anjam lana quqwasai

¹⁹ O ijo was bole, ningi endegsi poingem. Ningi anjam bei marqa osibqa urur medabu waqtaib. Mati didaboqniy. Urur minjin oqaiq. ²⁰ Tamo nangi urur minjin oqetnjreqnu qaji nangi Qotei aqa kumbra bole dauryqa keresai. ²¹ Deqa ningi kumbra uge uge jigat kalil taqal waiyoqniy. Osib nunqo segi nam aguq atoqnsib Qotei aqa anjam a na nami nunqo are miligiq di atej qaji di ningi ojesoqniy. Ojesqab di Qotei a nunqo qunun oqas.

²² Ariya ningi Qotei aqa anjam di bole dauryoqniy. Laña qusib olo urataib. Ningi laña quqwab di ningi nungo segi jejamu gisan'yqab. ²³ Tamo bei a Qotei aqa anjam laña quoqnsiq olo dauryqa urateqnu di a tamo ya jeqiloq di aqa ulatamu uneqnu dego bul. ²⁴ A ya jeqiloq di aqa ulatamu unsim olo puluosim giloqnsim aqa ulatamu unqo qaji di a olo are walyqas. ²⁵ Qotei aqa dal anjam bunuj unu. Dal anjam di bole tintinj. Qotei a gago une aqa singila kobotetgwa osiqa dal anjam di iga egej. Deqa gago une na iga olo ojqa keresai. Tamo nan'gi dal anjam di geregere peleiy'oqnsib dauryoq'nqab di Qotei a nan'go wau kalil bolet'oq'nqas. Ariya tamo nan'gi dal anjam di laña qusib olo are waln'jr'qas di Qotei a nan'go wau bei bolet'qasai.

²⁶ Tamo bei a endegsi are qalqas, "E gaigai Qotei qa loueqnum. Deqa e Kristen tamo bole." Ariya tamo di a aqa segi medabu geregere taqatqasai di a na aqa segi jejamu gisan'yqas. Deqa a Qotei qa loueqnu di a laña loueqnu. ²⁷ Iga Kristen tamo un'gasari unum deqa iga kumbra bole endeqaji yoq'nqom. Iga na an'gro mandum nan'gi ti un'a qobul nan'gi ti geregereinjroqnsim nan'go gulbe kalil qoboiyetn'jr'qom. Osim iga gago segi walwel taqatosim mandam endeqa kumbra jigat kalil uratek'ritqom. Iga kumbra deqaji yoq'nqom di iga Qotei aqa n'amgalaq di Kristen tamo bole une sai'qoji sqom.

2

Ningi na tamo kalil nan'gi turtnjrsib kumbra qu-jai enjroqniy

¹ O ijo was kalil, gago Tamo Koba Yesus Kristus a rian koba ti unu. Ningi a qa nungo areqalo singilateqñub deqa e ningi endegsi mernḡwai. Ningi na tamo ñam ti nanḡi areinjroqñsib olo tamo ñam saiḡoji nanḡi qoreinjroqñaiḡ. ²⁻³ Nunḡo kumbra agiende. Ñoro tamo bei a gara boledamu na walaosim banḡriḡ gol na gereiyo qaji di jigsim nunḡo Qotei tal miligiq gilqas di ningi aqa ñam soqtqab. Osib a geregereiyosib minjibqa awo jaram boleq di awoqas. Ariya tamo bei inḡi inḡi saiḡoji a gara jigat branḡo jigsimqa Qotei tal miligiq gilqas di ningi aqa ñam aguq atsib minjqab, “Ni qalaq di tigelesoqñe” o “Ni mandamq di awo.” ⁴ O ijo was, ningi kumbra degyeqñub di ningi areqalo uge ti sosib tamo nanḡi lanḡa peginjreḡqñub.

⁵ O ijo was bole, ningi quiy. Tamo unḡasari inḡi inḡi saiḡoji nanḡi Qotei na giltñrej deqa nanḡi torei a qa nanḡo areqalo singilateqñub. Agi Qotei a nami endegsi marej, “Tamo unḡasari e qalaqalaibeḡqñub qaji nanḡi di e na taqatñrsiy nanḡo Mandor Koba sqai.” ⁶ O ijo was, ningi kiyayaq tamo inḡi inḡi saiḡoji nanḡo ñam aguq ateqñub? Ningi are qaliy. Yai nanḡi na ningi ugeugeinḡoqñsib nunḡo jejamuq di une enḡoqñsib ningi joqoqñsib anjam pegiyo talq di tigeltñḡeqñub? Ñoro tamo nanḡi na ningi deḡñḡeqñub. ⁷ Tamo nanḡi dena Yesus aqa ñam boledamu misilinḡyeqñub. Ñam di agi Qotei a nunḡoq di atej unu.

⁸ Mandor Koba Qotei aqa dal anjam bei nami endegsib nenḡrenḡyeb unu, “Ni ino segi jejamu gereiyeqñum dego kere tamo unḡasari nanḡi degsim gereinjroqñime.” O ijo was, ningi dal

anjam di dauryosib keretqab di ningi kumbra bolequja yqab. ⁹ Ariya ningi na tamo qudei nanngi areinjroqnsib olo tamo qudei nanngi qoreinjreqnub di ningi une ateqnub. Deqa ningi dal anjam gotranjo qaji tamo brantonub. ¹⁰ Tamo bei a dal anjam mutu kalil dauryekritosim ariya qujai bole qujai grotqas di a dal anjam mutu kalil grotekritqo. Deqa aqa jejamuq di gulbe sqas. ¹¹ Iga qalie, Qotei a nami dal anjam endegsi marej, “Ni tamo bei aqa uña jejamu ojetaim.” Osiqa dego marej, “Ni tamo bei qalsim moiyoqaim.” Bole, ni tamo bei aqa uña jejamu ojetosaieqnum. Ariya ni tamo bei qalsim moiyoqam di ni dal anjam gotranjo qaji tamo brantqam. ¹² Qotei a gago une aqa singila kobotetgwa osiqa dal anjam bunuj egej. Deqa gago une na iga olo ojqa keresai. O ijo was ningi quiy. Qotei a dal anjam deqa are qalsim iga pegigwas. Deqa ningi nunjo anjam maro ti nunjo kumbra ti kalil geregere taqatoqniy. ¹³ Ningi tamo nanngi qa dulqasai di une pegiyo bati qa Qotei a kamba dego ningi qa dulqasai. Ariya ningi tamo nanngi qa duloqnqab di une pegiyo bati qa ningi une saiwoji sqab.

Tamo a Yesus qa aqa areqalo singilatqas di a kumbra bole babtoqnqas

¹⁴ O ijo was ningi quiy. Tamo bei a mareqnu, “E Yesus qa ijo areqalo singilateqnum.” A degsi maro-qnsiq ariya a kumbra bole bei yala babtosaieqnu. Laña medabu na anjam mareqnu. Deqa tamo di Qotei na oqasai. ¹⁵⁻¹⁶ Kristen was bei a gara saiwoji kiyo ingi saiwoji kiyo soqnimqa nunjo ambleq di tamo bei na minjqas, “Ni lawo na gilsim gara

bei osim jigsim inği uysim menetmim soqne.” A anjam segi laña minjqo deqa anjam dena kiyersim a aqaryaiyqas? Keresai. ¹⁷ Dego kere iga Yesus qa gago areqalo siŋgilatosim ariya iga kumbra bole bei babtosaieqnum di iga laña gago areqalo Yesus qa siŋgilateqnum. Deqa iga tamo moisiq aqa jejamu laña unu dego bul sqom.

¹⁸ Tamo bei a endegsi marqas, “E Yesus qa ijo areqalo siŋgilateqnum.” Degsi marimqa e na kamba minjqai, “O was, ni kumbra bole bei babtosaieqnum. Deqa e kiyersiy qalieqai, ni bole Yesus qa ino areqalo siŋgilateqnum? E qalieqa keresai. Ariya e Yesus qa ijo areqalo siŋgilatosiy kumbra bole dego turtosiy yoqnqai di ni e nubsim merbqam, ‘Bole, ni ino areqalo Yesus qa bole siŋgilateqnum.’ ¹⁹ Ni mareqnum, ‘Bole, Qotei a segi qujai unu.’ Ni kere mareqnum. Mondor uge nanği dego degsib maroqnsib Qotei ulaiyeqnum. ²⁰ Ni nanari tamo. Ni mareqnum, ‘E Yesus qa ijo areqalo siŋgilateqnum.’ Ni degsi maroqnsim ariya ni olo kumbra bole bei babtosaieqnum. Deqa ni laña medabu na mareqnum. Ni ijo anjam endi poimqa are soqnim poimeme.” ²¹ O ijo was niŋgi quiy. Nami gago moma utru Abraham a na aqa anqro qujai Aisak osiq Qotei atraiyqa marsiq atra bijalq di atej. Atnaqa Qotei a Abraham aqa kumbra di unsiqa minjej, “Ni degyonum deqa ni ijo ŋamgalaq di tamo bole une saiqoji unum.” ²² Niŋgi are qaliy. Abraham a Qotei qa aqa areqalo siŋgilatosiq kumbra bole dego turtosiq yej. Aqa areqalo Qotei qa siŋgilatej qaji de ti aqa kumbra bole ti aiyeltosiq dauryej. Deqa iga endegsi marqom, Abraham aqa kumbra bole dena aqa areqalo

Qotei qa singilatej qaji di taqyosiq tulan keretej. ²³ Deqa Qotei aqa anjam bei nami nengrenyeb qaji aqa damu brantej. Anjam agiende, “Abraham a Qotei qa aqa areqalo singilatej deqa Qotei na minjej, ‘Ni ijo n̄amgalaq di tamo bole une saiqoji unum.’” Osiqa Abraham minjej, “Ni ijo was bole.” ²⁴ Deqa ijo was ningi qalie, tamo nan̄gi Yesus qa nan̄go areqalo singilatosib ariya nan̄gi olo kumbra bole bei babtqasai di nan̄gi Qotei aqa n̄amgalaq di tamo bole une saiqoji sqa keresai. Tamo nan̄gi Yesus qa nan̄go areqalo singilatoqnsib kumbra bole dego turtosib yeqnub qaji nan̄gi segi Qotei aqa n̄amgalaq di tamo bole une saiqoji unub.

²⁵ Ningi sambala ūa Rahap a qa dego are qaliy. Rahap aqa kumbra bole agiende. Josua a tamo aiyel nan̄gi qarinn̄rnaqa Jeriko qureq gilnabqa qure deqaji nan̄gi na tamo aiyel nan̄gi di n̄umqa laqnab Rahap a nan̄gi aiyel ulitn̄rej. Osiqa gam bei osorn̄rnaqa nan̄gi jeu tamo nan̄gi aleln̄rsibqa jaraiyeb. Rahap a kumbra bole di yej deqa a Qotei aqa n̄amgalaq di ūa bole une saiqoji soqnej. ²⁶ Iga qalie, tamo a me mondor ti sqasai di a moiqas. Dego kere tamo bei a Yesus qa aqa areqalo singilatosim ariya a olo kumbra bole babtqasai di a tamo moisiq aqa jjamu lan̄a unu dego bul sqas.

3

Iga gago segi medabu gegerere taqatqom

¹ O ijo was kalil, tamo quja quja segi Qotei aqa anjam palontoqnebe. Tamo gargekoba nan̄gi anjam palontoqnaib. Ningi qalie, mondon̄j une

pegiyo batiamqa Qotei na anjam palonto tamo nanjo wau qa geregere peginjrqas. ² Bati gaigai iga kumbra gro groyeqnum. Ariya iga gago anjam maro qa grotqasai di iga tamo bolequja sqom. Sosimqa gago ban ti singa ti jejamu ti kalil geregere taqatqom. ³ Iga hos nanjo medabuq di sil atoqnsim nanji titnjreqnam nanji iga daurgeqnum. Iga nanjo medabu segi ojeqnam nanjo jejamu dego iga daurgeqnu. ⁴ Ningi qobun uniy. Qobun a tulan kobaquja. Aqa kuñi tulan kiñala. Ariya jagwa koba tigelosiq qobun tutqa laqnaqa qobun aqa abu na kuñi ojoqnsiq tingiteqnaq qobun a dauryoqnsiq gileqnu. ⁵ Dego kere gago medabu kiñala. Ariya a diq koba yeqnu. Iga gago medabu waqtoqnsim gago segi ñam soqtoqnsim diqoqnsim anjam mareqnum.

Iga qalie, ñamyuwo yusiq tulan kobaqujaoqnsiq ñamtan kalil yueleneqnu. ⁶ Gago medabu a ñamyuwo bul. Iga gago medabu waqtoqnsim dena iga kumbra uge uge yoqnsim gago jejamu kalil tulan jigateqnum. Mondon tamo nanji ñamyuwoq aisib padalqab dego kere gago medabu na gago so tulan ugeugeiyeqnu. ⁷ Ningi wagme nanji qa are qaliy. Wagme ti qebari ti qe ti kalil iga na taqatnjreqnum. ⁸ Ariya iga gago medabu taqatqa keresai. Iga gago medabu na gaigai anjam uge uge mareleneqnum. Amal uge na tamo nanji uñinjroqnsib moiyoqnsim dego kere gago medabu na iga kumbra uge ugeq breigeqnu. ⁹ Gago kumbra agiende. Iga gago medabu waqtoqnsim gago Tamo Koba Abu Qotei aqa ñam soqtoqnsim olo puluoqnsim medabu qujai dena tamo

unğasari nanği misilinjnreqnum. Tamo unğasari nanği di Qotei na gereinjrsiqa aqa segi so boleq di atej. ¹⁰ Iga kumbra uge deqaji yeqnum. Agi iga gago medabu waqtoqnsim Qotei aqa ñam soqtoqnsim olo medabu qujai dena anjam uge uge mareleñeqnum. O ijo was, gago kumbra di ugedamu. ¹¹ Ya jumbum qujaiq na ya bole ti ya uge ti brantqa keresai. ¹² Qura na oliv aqa gei oqa kere e? Wain sil na qura aqa gei oqa kere e? Yuwal a ya bole bulyqa kere e? Sai.

Tamo powo bole ti unub qaji nanği kumbra bole bole yoqnebe

¹³ Nungo ambleq di tamo qudei nanği qalie ti powo ti unub kiyo? Sqab di nanği nanço segi ñam aguq atoqnsib kumbra bole bole yoqnebe. Yim tamo unğasari nanği nanço kumbra di unoqnsib maroqnqab, “Nanği tamo bole.” ¹⁴ Ariya ninği olo nunço segi jexamu qa are qaloqnsib laña are ugeinçoqnm diçoqnaib. Ninği degyqab di ninği gisan kumbra dauryosib Qotei aqa anjam bole ugetqab. ¹⁵ Osib ninği powo uge ti sqab. Powo deqaji lañ goge na bosai. Di mandam qaji powo. Di gago areqalo namij aqa powo. Powo di Satan aqaq na beqnu. ¹⁶ Ninği quiy. Tamo unğasari nanği nanço segi jexamu qa are qaloqnsib laña are ugeinçroqnm diçoqnqab di nanği so tulan ugeq di sosib kumbra uge uge yoqnqab. ¹⁷ Ariya tamo unğasari lañ goge na powo eqnub qaji nanği kumbra tulan bolequja yeqnub. Nanği kumbra jigat dauryosaieqnub. Nanği lawo na sosib tamo nanği jinğa na gereinjroqnsib nanği qa duloqnsib kumbra bole bole osornjreqnub. Nanği na tamo kalil nanği

turtnjroqnsib kumbra qujai enjreqnub. Nanġi laŋa baban na Qotei aqa kumbra dauryosaieqnub. Nanġi bole dauryeqnub. ¹⁸ Tamo deqaji nanġi lawo na sosib are qujaitoqnsib jeu turyoqnsib kumbra bole tinġin babteqnub. Inġi meli branteqnu dego kere.

4

Tamo bei na mandam qaji kumbra qalaqalaisyas di a olo Qotei jeutqas

¹ O ijo was, ninġi qudei nunġo segi jejamu qa areboleboleinġeqnaqa kumbra uge uge yqajqa are prunġeqnu. Utru deqa ninġi qotoqnsib ġirinġkobaeqnub. Kumbra di nunġo jejamu miligiq di sinġila na waueqnu. ² Ninġi inġi inġi koba oqajqa tulaŋ arearetnġeqnaqa mamaulġeqnu. Ariya ninġi inġi inġi di osaieqnub deqa ninġi qoto tigeltoqnsib tamo ġumeqnub. Ninġi inġi inġi di osaieqnub di aqa utru agiende. Ninġi Qotei pailyosaieqnub deqa. ³ Ninġi qudei inġi inġi qa Qotei pailyoqnsib ariya ninġi inġi inġi di osaieqnub. Di kiyaaqa? Ninġi nunġo segi jejamu qa areboleboleinġgwajqa maroqnsib areqalo uge na pailyeqnub deqa. ⁴ Unġa bei na aqa gumbuluŋ uratosiq olo tamo bei ombla sambala kumbra yeqnub dego kere ninġi Qotei uratoqnsib kumbra uge uge yeqnub. Ninġi quiy. Tamo bei na mandam qaji kumbra qalaqalaisyas di a olo Qotei jeutqas. Ninġi di qaliesai kiyo? Od, tamo bei na mandam qaji kumbra qalaqalaisyas are qalqas di a Qotei jeutqas. ⁵ Agi Qotei aqa anjam bei nami endegsib nenġrenġyeb unu, “Qotei na aqa Mondor gago are miligiq di atej unu. Mondor di a

iga qa tulaŋ areareteqnu.” O ijo was, niŋgi anjam di laŋa sa anjam edegaib.

⁶ Qotei a iga qa are tulaŋ boleiyeqnu. Deqa aqa anjam bei nami endegsib nengrenyeb unu, “Tamo ungasari naŋgo segi ñam soqteqnu b qaji naŋgi Qotei na olo jeutnjreqnu. Ariya tamo ungasari naŋgo segi ñam aguq ateqnub qaji naŋgi qa Qotei a olo are boleiyeqnu.” ⁷ Deqa ijo was, niŋgi nuŋgo segi ñam aguq atoqnsib Qotei aqa sorgomq di soqniy. Sosibqa Satan gotraŋyoqniy. Yimqa Satan na niŋgi uratŋgosim ulaŋqas. ⁸ Niŋgi Qotei jojomyoqni bqa a kamba dego niŋgi jojomŋgoqniqas. O une tamo, niŋgi quiy. Tamo naŋgi naŋgo baŋ yansoqnsib jiga koboteqnu b dego kere niŋgi nuŋgo are miligi gereiyosib bulyoqniy. Niŋgi areqalo aiye aiyelteqnu b qaji olo nuŋgo are miligiq dena jiga kalil taqal atoqniy. ⁹ Niŋgi nuŋgo une qa are gulbeŋgoqnim akamugetoqniy. Od, niŋgi nuŋgo kiki uratoqnsib olo akamoqniy. Osib nuŋgo arebolebole kobotosib olo are gulbeŋgoqne. ¹⁰ Niŋgi Tamo Koba aqa ŋamgalaq di nuŋgo segi ñam aguq atoqniy. Niŋgi degyqab di a na nuŋgo ñam olo soqtetŋwas.

Niŋgi nuŋgo Kristen was naŋgi uge qa minjraib

¹¹ O ijo was, niŋgi segi segi qa anjam uge maroqnaib. Tamo bei na aqa Kristen was qudei naŋgi anjam uge minjrqa kiyo naŋgo une qa naŋgi peginjrqa kiyo di a dal anjam dego uge qa marsiq pegiyqo. Niŋgi dal anjam pegiyeqnu b di niŋgi dal anjam dauryqa urateqnu b. ¹² Qotei a segi na dal anjam babtej deqa a na qujai iga pegigwa kere. A na qujai tamo ungasari naŋgi elenqa kere. A na

qujai nan̄gi padaltnjrqa kere. Nīngi tamo kiyero deqa nīngi na tamo un̄gasari nan̄gi peginjreqnub? Di kumbra uge.

Nīngi nun̄go segi ñam soqtoqnaib

¹³ Nīngi qudei endegsib mareqñub, “Bini kiyo nebe kiyo iga qure beiq gilsim dia wausau qujai sosim silali qa wauosim olo bqom.” ¹⁴ Nīngi degsib mareqñub. Ariya nebe kumbra kiye nun̄goq di brantqas di nīngi qalieqa keresai. Nīngi ñam qurem bul sokiñalayosib koboqab. ¹⁵ Deqa nīngi endegsib maroqñiy, “Tamo Koba a marimqa iga kumbra kiye yqa are qalsim yqom.” ¹⁶ Kiyaya nīngi qudei olo nun̄go segi ñam soqtoqnsib diqoqn-sib laqñub? Nun̄go kumbra di uge. ¹⁷ Ni geregere are qale. Ni kumbra bole qa qalieosim ariya ni dauryqasai di ni une yonum.

5

Tamo nan̄gi ñoro koba ti unub qaji nan̄gi awai ugedamu oqab

¹ O ñoro tamo nīngi quiy. Bunuqna gulbe kokba nun̄goq boqnqas. Nīngi deqa pailoqnsib akamuge-toqñiy. ² Nun̄go ñoro ti wala ti kalil ugeelenqo. Sisimbiñ na nun̄go gara kalil dego ugeugeiyqo. ³ Nun̄go gol ti silva ti di baisuwi na ugetqo. Deqa mondoñ baisuwi dena nun̄go une boleq atsim ñamyuwo bulosim nun̄go jejamu koitosim ugeugeiyqas. Nīngi ñoro koba koroiyeb deqa diño bati qa nīngi awai ugedamu oqab. ⁴ Nīngi quiy. Nun̄go wau tamo nan̄gi nun̄go iñgi meli gentoqnsib nun̄go ban̄q di ateqñab nīngi na kamba olo nan̄gi gisañjroqnsib awai oto nun̄go segi qa getentoqnsib

oto segi nanngi enjreqnub. Deqa nanngi maoqnsib endegsib Qotei pailyeqnub, “O Tamo Koba, nanngi iga kumbra uge degsib egeqnub.” Yeqnaqa Qotei singila koba ti unu qaji a nanngo pailyo di queqnu. Deqa mondon a na ninngi awai uge engwas. ⁵ O ñoro tamo, ninngi gara bole bole jugoqnsib nunngo segi jejamu qa areboleboleinqeanaqa inngi koba uyeqnub. Deqa mondon Qotei na ninngi lunngwas. Kaja nanngo jejamu diq diqeqnaq nanngo mandor nanngi na ñumeqnub dego kere Qotei na ninngi lunngwas. ⁶ Nunngo kumbra uge bei agiende. Ninngi na kumbra bole yo qaji tamo nanngo jejamuq di une qamet-njroqnsib ñumeqnub. Ariya nanngi na kamba olo ninngi gotranngosaieqnub.

Ninngi gulbe qoboioqnsib Tamo Koba a olo bqajqa tarinngiqniy

⁷ Deqa ijo was, ninngi nunngo are miligi singilatoqnsib gulbe qoboioqnsib Tamo Koba a olo bqajqa tarinngiqniy. Ninngi asgingaiq. Ninngi wau lanja nanngi bul soqniy. Ninngi qalie, wau lanja nanngi asginjrosaiqnu. Nanngi inngi yagoqnsib awa qa tarineqnub. Awa beqnaqa inngi melieqnaqa nanngi inngi meli di oqnsib uyeqnub. ⁸ Dego kere ninngi nunngo are miligi singilatoqnsib gulbe qoboioqnsib tarinngiqniy. Tamo Koba a bqajqa bati jojomqo deqa ninngi degyoqniy.

⁹ O ijo was, ninngi Qotei aqa tamo unngasari qudei nanngi qa njirinngiqnsib yomuonaib. Qotei a nunngo une di unsim ninngi peginnggo uge. Ninngi quiy. Une Pegiyo Tamo agi bqajqa jojomqo. A siranngmeq di tigele-junu. ¹⁰ O ijo was, ninngi Qotei aqa medabu o qaji tamo nanngi qa are qaliy. Nanngi nami Tamo Koba

aqa ñam na anjam palontoqneb deqa jeu tamo nanği na nanği ugeugeinjroqneb. Ariya nanği Qotei aqa anjam marqa ulaosaioqneb. Nanği nango are miligi singilatoqnsib jaqatin oqnsib gulbe di qoboioqneb. ¹¹ Niği quiy. Iga endegsi mareqnum, “Tamo unğasari gulbe qoboioqnsib singila na tigelejunub qaji nanği Qotei na taqatnjreqnu. Deqa nanği areboleboleinjreqnu.” Niği Jop aqa kumbra qa nami queb. Jop a singila na tigelosiqa gulbe kobaquja qoboiesoqnej. Niği qalie, bunuqna Tamo Koba a na Jop olo boletej. Od, iga qalieonum, Tamo Koba a gaigai iga qa duloqnsiqa iga qa are boleiyeqnu.

Niği anjam bei marqa osibqa inği bei na singilataib

¹² O ijo was kalil, e anjam kobaquja bei unu. Anjam agiende. Niği anjam bei marqa osibqa inği bei na singilataib. Niği lan qure aqa ñam na anjam singilataib. Niği mandam aqa ñam na anjam singilataib. Niği od qa segi mariy. Niği said qa segi mariy. Niği degyqab di Qotei na niği awai uge bei engwasai.

Tamo nanği kumbra bole bole yeqnum qaji nango pailyo singila koba

¹³ Nungo ambleq di tamo qudei nanği jaqatin eqnub kiyo? Degamqa niği na minjribqa nanği nango jaqatin deqa Qotei pailyoqnebe. Nungo ambleq di tamo qudei nanği areboleboleinjreqnu kiyo? Degamqa niği na minjribqa nanği Qotei qa louoqnsib aqa ñam soqtoqnebe. ¹⁴ Nungo ambleq di tamo qudei nanği mainjreqnu kiyo? Degamqa

ningi na minjribqa nanği Kristen gate nanği met-njrib bosib Tamo Koba aqa ñam na nanğo gateq di ban atetnjsib goreñ bilentosib nanği qa pailyebe. ¹⁵ Nanği Tamo Koba a qa nanğo areqalo singilatosib pailyqab di a na tamo mainjro qaji nanği olo tigeltnjrqas. Osim nanği une yoqneb degamqa a na nanğo une kalil dego kobotetnjrqas. ¹⁶ Deqa ijo was, ningi nunğo segi segi une palontonsib Kristen was nanği ubtosib minjroqniy. Osib ningi segi segi qa Qotei pailyoqniy. Yim a na ningi boletngwas. Tamo nanği kumbra bole bole yeqñub qaji nanğo pailyo di singila koba. Deqa nanği pailyeqñab Qotei a quoqnsiqa nanğo anjam dauryeqñu. ¹⁷ Ningi Elaija qa are qaliy. A iga bul mandam tamo. Ariya a endegsi pailyoqñej, “O Qotei, ni na lañ getentimqa awa bqasai.” A degsi pailyeqñaqqa Qotei na lañ getentonaqa awa bosai. Degsi sonaq wausau qalub bei oto koboej. ¹⁸ Onaqa Elaija a olo pailyonaqa lañ waqonaqa awa bej. Bosiq inği inği kalil melieliñej.

Kristen was bei a gam bole uratqas di iga na aqaryaiyimqa a olo Qotei aqa areq bqas

¹⁹ O ijo was ningi quiy. Kristen was bei a Qotei aqa anjam bole dauryqa uratimqa tamo bei na a olo are bulyetqas di tamo dena aqa was kumbra bolequja yqo. ²⁰ Ningi endegsib qalieoiy. Kristen was bei a une ti soqñim tamo bei na aqaryaiyimqa a gam uge di uratqas di tamo dena aqa was aqa qunun moiyo sawaq dena oqo. Deqa was di a moiqasai. Qotei na aqa une gargekoba kobotetqas.

Yesus Aqa Anjam Bole 2014
The New Testament in the Anjam language of Papua
New Guinea, 2014 revision
Nupela Testamen long tokples Anjam long Niugini,
2014

copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

PDF generated using Haiola and XeLaTeX on 21 Feb 2024 from source files dated 31 Aug 2023

0eb339dc-c20a-5065-9483-338933d97585